

中國方志叢書·華中地方·第三四號

據

清·董用威等修·魯一同纂
清·咸豐元年刻本
清·光緒二十一年重刻本

影印

江蘇省

邳州

志



成文出版社有限公司印行



10096457

中國方志叢書·華中地方·第三四號

據

清·董用威等修·魯一同纂
清·咸豐元年刻本
清·光緒二十一年重刻本

影印

江蘇省

邳州

志



成文出版社有限公司印行



10096458

中華民國五十九年 月壹一版

邳州志

全二冊

發行人：黃 成 助

出版者：成文出版社有限公司
台北郵政信箱二二六〇五號

台北郵政信箱二二六〇五號
台北市羅斯福路三段279之二號
電話：三七〇一三二號

印刷者：東南印製廠有限公司
和平西路二段70巷83弄29號

內政部登記證內版台業字第一一四七號

邳州志

山陽魯一同撰次

卷首

敘目

卷之一

疆域

四至

分星

高度

風俗

物產

方貢

卷之二

沿革

封建附

卷之三

建寘

城池

官署

壇廟

鄉社

集鎮

津梁

卷之四

州志

卷首

山川 運道河防附

卷之五

民賦上 戶則 田賦 屯衛 支解各款

卷之六

民賦下 水旱 蠲振 捐輸

卷之七

學校 廟制 學田 書院 貢舉藝文附

卷之八

軍政 衛所 操防 修防 屯田 驛遞

卷之九

官師一

卷之十

官師二

卷之十一

官師三

卷之十二

官師四

卷之十三

人物上

卷之十四

人物中

卷之十五

人物下

卷之十六

列女上

卷之十七

列女中

卷之十八

列女下

卷之十九

古蹟

卷之二十

雜記

右爲類十有二附見者五細目二十有七總二十卷夫
志者所以定疆理攷古今辨制度明得失也各因地爲
用莫可緼一昔者先王周知天下道里之圖辨廣輪之
數測星野推高度以定節候之蚤莫風氣之寒燠然後
程其土宜稽其習俗肆其采物而謹乎時變教由以興
故疆域先焉疆域必有所繇始郡國代更南朔剖剖分
合華離之不同弗辨弗晰故次之以沿革而封建繫之

辨方定位乃營城邑作官府以治明建壇宇廟壝以統
幽達乎郊鄙行乎四陲故次之以建寘百度旣作迺原
本山川陟降原野攬高極深奠位乎上下故次之以山
川而運道河防麗焉民治之大者莫重乎食兩稅之征
奉上有經六氣告沴澤亦下行又教民以通有無廣儲
蓄政之情也故次之以民賦蓋旣富方穀詩人之義也
物生不可無教教不可不爲之所師儒旣設譽俊克生
揚于王廷餘事以藝鳴故學校次之貢舉藝文附焉文
武之道孰左孰右勇夫閉關設險寘守故軍政次之疆
圉陞域非官不守賦役教化非官不行軍旅非官不嚴

不親故官師次之先賢後賢或步或武鄉人於是語於是道古故人物次之閨門起化詠窈窕崩城爍石章厥教故列女次之荒墟遺壤將爲裴哀焉沈吟焉如有足音故古蹟次之事靡所系殘叢不可棄故以雜記終焉

邳州志卷之一

疆域 四至分星高度風俗物產力貢

邳古侯國也其疆域廣狹無得而稱焉漢承秦制下邳建縣西不及武原北不兼良成永平中拓爲王國領十七城其地自葛嶧之陽南有僮睢陵盱眙東帶司吾迤至於淮陰北有良成而無武原晉太始中下邳王國裁統七縣下邳凌良城成始改城字睢陵夏邱取慮僮宋下邳郡領良城僮與下邳而三南有今睢寧之西境而縮其西北北魏得之領縣六下邳良城僮坊亭柵淵歸正別寘武原郡領武原開遠艾山分晰雖多地不加廣綜此

二郡九縣惟坊亭柵淵僅少溢今境而已後周廢開遠
艾山隋省武原歸正惟存下邳良城唐省邳良城入於
下邳則北邊廣又省泗州之淮陽入焉則南邊啟元初
以民少并宿遷睢寧於邳州大啟東南及古之僅取慮
以及淮陽角城之西延袤數百里矣至元十二年復宿
遷睢寧明初復邳城州所統如今境廣百有二十里袤
百有四十里實兼漢下邳良成武原三縣之地東南至
宿遷石橋界五十里又東南至於宿遷縣百十里南至
睢寧木柵界九十里渡河又南至於睢寧縣四十里西
南至靈璧余溝界百七十里又西南至於靈璧縣八十

里西至銅山汴塘界七十里又西至於銅山縣九十里
西北至嶧陶溝界四十里又北至於嶧縣七十里北少東
至沂州重防界五十里又北至於沂州府百二十里東
北至郯城齊村界三十五里又東北至於郯城縣三十
五里至府如至銅山縣南至江寧省水程九百十里陸
九百四十里北至京師水程二千百十里陸千七百六
十里今治在舊州城北少東九十里舊城在府東少南
百四十里其地北控齊魯南蔽江淮西走梁宋東俯胸
海魏晉以來常爲重鎮蓋水陸之要衝南北之襟喉至
唐廢郡爲州去州爲縣南隸泗西隸徐代凡三變遂爲

偏方僻邑。然而宋金元之代。兵爭紛如也。其於天文在降婁之次。史記天官書曰。奎婁胃徐州。漢書天文志曰。魯地奎婁之分野也。東至東海。南有泗水。至淮得臨淮之下。相睢陵。僮取慮。皆魯分也。晉隋諸志。大都參相入矣。唐書天文志曰。初奎二度。餘千二百一十七秒十七少。中婁一度。終胃三度。自蛇邱肥城南。屆鉅野。東達梁父。循岱岳之陽。以負東海。又濱泗水。經沛。留彭城。東至於呂梁。乃東南抵淮。盡徐夷之地。蓋中國膏腴地。百穀之所阜也。攷諸古驗緯文。其說益多。春秋耀靈鉤以徐揚諸州屬權明石申云。天市垣左第五星主徐。右第二

星主楚元命苞曰下台下星主徐益錯出無所折衷竊
據明史天文志邳在奎二度至胃三度降婁之次爲定
說焉夫古建國邑正方位必測日景以知節氣之蚤莫
晝夜之永短豈不以里差可攷哉京師北極出地高四
十度舉成數也實測得大興宛平高三十九度五十五分邳州北極出地高三十
四度二十九分四秒較京師差五度三十分六秒在天
一度當平地橫黍尺二百五十里計邳治去京師鳥道
一千三百七十七里半京師夏至日出寅正二刻五分
日入戌初一刻十分邳州夏至日出寅正三刻八分弱
日入戌初初刻六分強計邳州日出後京師一刻三分

弱日入先京師一刻三分弱冬至京師日出辰初一刻

十分日入申正二刻五分邳州日出辰初初刻六分強

日入申正三刻八分弱計邳州日出先京師一刻三分

弱日入後京師一刻三分弱夏至京師晝五十九刻五

分夜三十六刻十分邳州晝五十六刻十三分弱夜三

十九刻一分強晝短京師二刻七分不足夜長京師二

刻六分有餘冬至之晝各如夏至之夜夜各如其夏至

之晝節氣時刻以京師爲準居京師東者每一度加四

分西者一度減四分東方蚤見日故刻分加西方遲見

日故刻分減假如京師正午刻立春居京東者已見日